



CONCELLO A GUARDA

(PONTEVEDRA)

ORDENANZA REGULADORA DO ESTACIONAMENTO CON HORARIO LIMITADO GRATUITO ZONA AZUL DO CONCELLO DE A GUARDA

ARTIGO 1. OBXECTO

De conformidade co disposto no artigo 25 da Lei 7/85, Reguladora das Bases do Réxime Local, de 2 de abril e das disposicións contidas no Real Decreto Lexislativo 339/90, de 2 de marzo, polo que se aproba o texto articulado da Lei sobre Tráfico, Circulación de Vehículos a Motor e Seguridade Vial, así como o R.D. 1.398/93 de 4 de agosto que aproba o Regulamento do Procedemento do exercicio da Potestade Sancionadora, dictase a presente ordenanza que ten por obxecto regular o estacionamento limitado-gratuito (zona azul).

ARTIGO 2.XUSTIFICACION

A ocupación da vía pública co estacionamento de vehículos supón o uso dun ben escaso, que debe ser repartido. En virtude das facultades que se recoñecen ó Concello no artigo 25 da Lei Reguladora das Bases de Réxime Local, e no art. 7 do Texto Articulado da Lei sobre Tráfico, Circulación de Vehículos a Motor e Seguridade Vial, créase o "Servicio de Zona Azul", que pretende acadar o acceso igualitario e limitado de tódolos/as condutores/as ó aparcamento nas zonas onde sexa especialmente escaso.

ARTIGO 3. AMBITO E DETERMINACIONES

Os estacionamentos regulados e con horario limitado existirán naquelas rúas e zonas habilitadas e sinalizadas para iso, e se determinarán por medio dunha Resolución da Alcaldía. En todo caso deberán de coexistir cos de libre utilización e someteranse ás seguintes determinacións:

- 1.- O estacionamento efectuarase mediante disco comprobante do horario ou tique, que indicará a hora do estacionamento. (Ver Anexo).
- 2.- @ condutor/a do vehículo está obrigad@ a colocar o disco horario ou tique no lugar da parte interna do parabrisas que permita totalmente a súa visibilidade desde o exterior.
- 3.- O período máximo de permanencia dun vehículo en zona azul será de unha hora nas rúas.
- 4.- Quedan excluídos desta limitación, os vehículos da policía, protección civil, bombeiros, ambulancias e persoal sanitario en servicio de urxencia.
- 5.- Unha vez concluído o tempo máximo de utilización, o vehículo deberá abandonar o aparcamento, e non poderá volver a estacionar na mesma rúa ou praza, ata transcorridas dúas horas.
- 6.- O horario de limitación comprenderá de 09,00 a 13,00 e de 16 a 21,00 horas. Agás os sábados a partir das 13 horas, domingos e festivos, nos que non haberá limitación.
- 7.- Despois de sinalar a hora de chegada no disco horario ou tique, non se poderá variar ata que o vehículo abandone o estacionamento en zona azul.

ARTIGO 4. INFRACCIONES

Constituirán infraccións específicas desta modalidade de estacionamento:

- 1.- A falta de disco comprobante do horario ou tique.
- 2.- Sobrepasar o límite horario indicado no comprobante.
- 3.- Modificar a hora de chegada despois do estacionamento.
- 4.- Estacionar de novo o vehículo na mesma rúa ou praza, antes de transcorrer dúas horas contadas desde a hora de chegada.
- 5.- Ocupar dúas prazas de estacionamento, ou non axustarse ó espacio marcado para o vehículo.



CONCELLO A GUARDA

(PONTEVEDRA)

ARTIGO 5. SANCIONES

As infraccións sinaladas nos apartados 1, 2, 4 e 5 do artigo anterior serán sancionadas con multa de TRINTA EUROS (30 €), e a sinalada no apartado 3 con multa de CORENTA EUROS (40 €).

As devanditas multas se reducirán nun 30% se se fixeran efectivas dentro do prazo de quince días contados desde o día seguinte o da recepción da notificación da denuncia.

ARTIGO 6. INMOBILIZACION DO VEHICULO

Cando un vehículo estea estacionado en zona de estacionamento regulado e con horario limitado durante máis dunha hora, contada desde que fora denunciado polo incumprimento das normas que regulen este tipo de estacionamento, poderá ser inmovilizado ó obxecto de identificar o seu conductor e notificar a denuncia pertinente; se fora reincidente, poderá ser retirado.

Neste caso, notificarase á persoa que pida a devolución do vehículo os gastos que supoñan a inmovilización, o traslado e o depósito, segundo proceda.

DISPOSICION FINAL.

Esta ordenanza, que consta de 6 artigos, unha Disposición final e 1 anexo, entrará en vigor unha vez aprobado definitivamente polo Concello e publicado o seu texto integro e transcorra o prazo de quince días a que se refiren os artigos 70.2 e 65.2 da Lei 7/1985 de 2 de abril, Reguladora das Bases de Réxime Local.

ANEXO

MODELO COMPROBANTE DE DISCO HORARIO

Tamaño: 11 x 11 cm

Materiais: Aluminio, Plástico, Cartolina

Color: Poderá realizarse en varios colores, sempre que os recadros destinados á hora sexan perfectamente visibles, con fondo branco e caracteres en azul, negro ou vermello.

CONCELLO DE A GUARDA

Concellería de Tráfico

SERVIZO DE ZONA AZUL

HORA DE CHEGADA (Exem.) HORA LÍMITE (Exem.)

17.00 a 17.30 HORAS

18.30 HORAS"